



ქალაქ ფოთის მუნიციპალიტეტის საკრებულო

## განკარგულება №4/21

2021 წლის 30 დასახური

ქალაქი ფოთი

ქალაქ ფოთის მუნიციპალიტეტში, ეგნატე ნინოშვილის №64-ში მდებარე საცხოვრებელი სახლის შენობის ფასადზე ცნობილი ექიმის (თერაპევტი) ევგენი (გია) გოგინავას მემორიალური დაფის განთავსების შესახებ

ქალაქ ფოთის მუნიციპალიტეტის საკრებულო აღნიშნავს, რომ სამსახურეობრივი მოვალეობის შესრულების დროს, ახალი კორონავირუსით (COVID-19) დაინფიცირდა და გარდაიცვალა ცნობილი ექიმი (თერაპევტი) ევგენი (გია) გოგინავა.

ქალაქ ფოთის მუნიციპალიტეტის მოსახლეობის ჯანმრთელობის დაცვაში შეტანილი წვლილისთვის, ცნობილი ექიმის (თერაპევტი), საქართველოს 2000 წლის დამსახურებული ექიმის, ევგენი (გია) გოგინავას სახელის ხსოვნისა და უკვდავყოფის მიზნით, მიზანშეწონილია, ქალაქ ფოთის მუნიციპალიტეტში, ეგნატე ნინოშვილის №64-ში მდებარე საცხოვრებელი სახლის შენობის ფასადზე განთავსდეს მემორიალური დაფა.

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-3 პუნქტის შესაბამისად, მუნიციპალიტეტი უფლებამოსილია საკუთარი ინიციატივით გადაწყვიტოს ნებისმიერი საკითხი, რომლის გადაწყვეტაც საქართველოს კანონმდებლობით არ არის ხელისუფლების სხვა ორგანოს უფლებამოსილება და აკრძალული არ არის კანონით.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის მე-3 პუნქტის შესაბამისად, თუ ეს კანონი ან საქართველოს კანონმდებლობა არ განსაზღვრავს მუნიციპალიტეტის საკუთარი ან დელეგირებული უფლებამოსილების განხორციელებისთვის პასუხისმგებელ მუნიციპალიტეტის ორგანოს, აღნიშნულ უფლებამოსილებას ახორციელებს მუნიციპალიტეტის საკრებულო ან მუნიციპალიტეტის საკრებულოს დავალებით – მუნიციპალიტეტის მერი.

აღნიშნულიდან გამომდინარე:

### მუხლი 1.

- ქალაქ ფოთის მუნიციპალიტეტის მოსახლეობის ჯანმრთელობის დაცვაში შეტანილი წვლილისთვის, ცნობილი ექიმის (თერაპევტი) ევგენი (გია) გოგინავას სახელის ხსოვნისა და უკვდავყოფის მიზნით, ქალაქ ფოთის მუნიციპალიტეტში, ეგნატე ნინოშვილის №64-ში მდებარე საცხოვრებელი სახლის შენობის ფასადზე განთავსდეს მემორიალური დაფა.
- ცნობად იქნეს მიღებული ის გარემოება, რომ მემორიალური დაფის განთავსება მოხდება არასაბიუჯეტო სახსრებით.

**მუხლი 2.**

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

**მუხლი 3.**

განკარგულება ძალაშია 2021 წლის 30 მარტიდან.

საკრებულოს თავმჯდომარე



ბექა ვაჭარაძე